

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
 ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 384509/15
 ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
 ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 4500 գործը և ուսումնասիրելով վարչական իրավախախտման վերաբերյալ 27.03.2019թ. թիվ 4500 արձանագրությունը, վարչական վարույթը կասեցնելու մասին որոշումը և կից նյութերը,

ՊԱՐԶԵՑԻ

<<Տենդենց Լադա>> ՍՊԸ-ի տնօրեն Արարատ Մարտիրոսյանը (ՀՎՀՀ՝ 08618125, հասցե՝ ք. Երևան, Ռուբինյանց 14, 1) ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2018թ. դեկտեմբեր ամսվա եկամտային հարկի հաշվարկը, ինչի համար վարչական պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում կողմին փոստային ծառայության միջոցով ծանուցագիր է ուղարկվել Կողմի բնակության հասցեով վարչական իրավախախտման վերաբերյալ արձանագրության կազմմանը և գործի քննությանը մասնակցելու համար, սակայն Կողմի պատշաճ ծանուցման վերաբերյալ տեղեկություն չի ստացվել:

ՀՀ ՊԵԿ իրավաբանական վարչության պետի կողմից 25.02.2019 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Վարչական վարույթին մասնակցության վերաբերյալ Կողմի պատշաճ ծանուցումն ապահովելու ուղղությամբ ձեռնարկվել են համապատասխան միջոցներ, որի արդյունքում Կողմը վարչական վարույթի մասնակցության վերաբերյալ ծանուցագիրը ստացել է, ներկայացրել է առարկություն այն մասին, որ ընկերության հաշվարկները ներկայացվում են լիազոր անձի՝ հաշվապահի կողմից: Վերջինս 2018թ. դեկտեմբեր ամսվա եկամտային հարկի հաշվարկը ներկայացրել է օրենքով սահմանված ժամկետից ուշ՝ 25.01.2019թ. հարգելի պատճառներով՝ 18.01.2019թ հոր մահվան պատճառով /մահվան վկայականը ներկայացվել է/:

Հաշվի առնելով, այն հանգամանքը, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն Կողմը իրավախախտումը թույլ է տվել իր կամքից անկախ պատճառով, այսինքն բացակայում է իրավախախտման կազմը, ուստի ղեկավարվելով Վարչական իրավախախտումների

վերաբերյալ ՀՀ օրենսգրքի 247-րդ հոդվածի 1-ին մասով, 244², 281 հոդվածներով և 282-րդ հոդվածի 1-ին մասի 2-րդ կետով՝

ՈՐՈՇԵՑԻ

Արարատ Մարտիրոսյանի նկատմամբ հարուցված վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝
Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ցտանալուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհեմարաներին. 900005240487՝ տուգանքի 70%, 900013000246՝ տուգանքի 30% վճարման անդորրագրի <<նպատակ>> դաշտում պարտադիր նշելով որոշման համարը և ակտի հասցեատիրոջ անուն ազգանունը:
Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:
Մասնակցեցի գործի քննությանը. որոշման վերաբերյալ առարկություններ չունեմ:
Ստացա որոշման պատճենը